

*UNTUK SIARAN SEGERA
21 OKTOBER 2023*

KENYATAAN MEDIA

SWM ENVIRONMENT ANJUR PROGRAM KESEDARAN KITAR SEMULA BERSAMA MASYARAKAT DUN BANDAR HILIR

MELAKA, 21 OKTOBER 2023 – SWM Environment Sdn Bhd (SWM Environment) terus mendekati masyarakat melalui inisiatif Komunikasi, Pendidikan dan Kesedaran Awam (CEPA) menerusi penganjuran Hari Bersama Masyarakat SWM Environment bersama Japerun Bandar Hilir, hari ini.

Penganjuran program dengan kerjasama Japerun Bandar Hilir, Perbadanan Pengurusan Sisa Pepejal dan Pembersihan Awam (SWCorp), Majlis Bandaraya Melaka Bersejarah (MBMB) dan Lembaga Pemasaran Pertanian Persekutuan (FAMA) itu berlangsung di Gelanggang Futsal Rumah Awam Bandar Hilir yang dirasmikan oleh Yang Berhormat Pn Leng Chau Yen, Timbalan Exco Pembangunan Wanita, Keluarga dan Komuniti Negeri merangkap Ahli Dewan Undangan Negeri Bandar Hilir.

Menurut Pengurus Besar Korporat SWM Environment, Tuan Haji Mohd Norlisam Mohd Nordin, program ini adalah antara usaha SWM Environment mendekati masyarakat bukan sahaja bagi menyampaikan informasi berkaitan Kitar Semula tetapi juga untuk mempromosi Program Kitar Semula bermata pandangan SWM Environment iaitu KITARecycle.

“Pada program ini masyarakat diberikan penerangan mengenai program KITARecycle bagi menggalakkan mereka menjalankan aktiviti Kitar Semula dalam kehidupan dan untuk menarik lebih ramai masyarakat menyertai program ini,” katanya.

Tambah beliau, penganjuran program seumpama ini diharap dapat menyampaikan ilmu dan informasi kepada masyarakat berkaitan kepentingan mengamalkan Kitar Semula demi kelestarian alam sekitar di samping platform merapatkan hubungan SWM Environment dengan masyarakat.

SWM Environment turut membuka pameran serta kaunter pendaftaran keahlian KITARecycle untuk pengunjung mendapatkan informasi serta mendaftarkan diri bagi menyertai program di samping Kaunter Pandu Lalu KITARecycle untuk orang ramai menghantar pelbagai barangan Kitar Semula termasuk plastik, kertas, aluminium, kaca, sisa elektronik di samping minyak masak terpakai serta fabrik terpakai

Turut diadakan Pertandingan Kitar Semula Tertinggi membabitkan individu yang menghantar barangan Kitar Semula terbanyak, Jualan Rahmah oleh pihak FAMA dan juga Saringan Kesihatan.

-TAMAT-

MENGENAI SWM ENVIRONMENT SDN. BHD.

SWM Environment Sdn. Bhd. (SWM Environment) adalah syarikat konsesi yang menyediakan perkhidmatan pengurusan sisa pepejal dan pembersihan awam di negeri Johor, Melaka dan Negeri Sembilan sejak tahun 1995, melalui perjanjian konsesi yang dikawal di bawah Akta Pengurusan Sisa Pepejal dan Pembersihan Awam Negara (Akta 672).

Sebagai syarikat konsesi terbesar di Malaysia, SWM Environment, melalui tenaga kerja yang seramai 12,000 orang, berkhidmat kepada 27 pihak berkuasa tempatan, 1.5 juta premis kediaman dan komersial dengan lebih daripada 5.1 juta orang bagi liputan geografi 28,500 kilometer persegi. Untuk maklumat korporat yang lebih lanjut, sila layari laman web: www.swmenvironment.com.

Dalam usaha mengurangkan sisa janaan ke tapak pelupusan sampah, SWM Environment secara giat mempromosikan program-program alam sekitar yang berimpak tinggi seperti Pengasingan Sisa Pepejal Di Punca (SAS), kitar semula dan pengkomposan sisa makanan demi meningkatkan kesedaran awam di kalangan masyarakat umum.

Pada 2018, SWM Environment telah memperkenalkan program kitar semula berganjarannya, KITAREcycle, di ketiga-tiga negeri selatan Semenanjung Malaysia. KITAREcycle menggalakkan orang ramai untuk mengitar semula dan menerima mata ganjaran untuk lebih daripada 25 jenis barangan kitar semula yang termasuk kertas, tin aluminium, plastik, sisa elektrik dan elektronik. Mata ganjaran yang terkumpul boleh ditebus secara tunai melalui perbankan dalam talian. Orang ramai boleh memuat turun aplikasi KITAREcycle melalui *Apple Store* dan *Google Play Store*. Sila layari laman web: www.kitarecycle.com untuk mendapatkan maklumat lanjut.

Untuk keterangan lanjut, sila hubungi:

Puan Noor Che Wah Binti Ramli

Eksekutif Kanan

Jabatan Komunikasi Korporat & Hal Ehwal Kerajaan

SWM Environment Sdn. Bhd. (Pejabat Wilayah Melaka)

Tel : 06 – 3350191 / 012 – 385 1436

E-mel : wah.ramli@swmsb.com